



Broj: 10-33-33084-9/23
Dana: 12.12.2023.godine

Na osnovu člana 13. Zakona o zdravstvenoj zaštiti („Službene novine Federacije BiH“, br. 46/10 i 75/13), Ministarstvo zdravstva Kantona Sarajevo objavljuje

Javni poziv

za dodjelu neuromodulacijskih odijela za osobe oboljele od multiple skleroze i cerebralne paralize sa područja Kantona Sarajevo u 2023. godini

1. PREDMET JAVNOG POZIVA

Predmet Javnog poziva je dodjela 3 neuromodulacijska odijela prilagođenih potrebama oboljelih od multiple skleroze i cerebralne paralize sa područja Kantona Sarajevo u 2023. godini, nabavljenih sredstvima iz Budžeta Kantona Sarajevo za 2023. godinu, razdjel - Ministarstvo zdravstva - Prevencija, očuvanje i unapređenje zdravlja stanovništva Kantona Sarajevo, sredstva su namjenska za oblast zdravstva i tiču se isključivo nabavke i dodjele neuromodulacijskih odijela prilagođenih potrebama oboljelih od multiple skleroze i cerebralne paralize sa područja Kantona Sarajevo, te kao takva doprinose zaštiti zdravlja i poboljšanju kvaliteta života oboljelih od neuromišićnih oboljenja.

2. KARAKTERISTIKE PREDMETA DODJELE

Neuromodulacijska odijela koja se dodjeljuju su karakteristika kako slijedi:

- neuromodulacijsko odijelo sa električnim napajanjem,
- dostupno za djecu i odrasle osobe, zasebna jakna i hlače, od 104 cm do 5XL za muškarce i žene,
- 58 elektroda ugrađenih po odijelu koje stimuliraju 40 ključnih grupa mišića,
- odvojivo upravljanje,
- 2 patentna zatvarača na svakoj ruci i nozi,
- kombinacija materijala - do 51 % poliamid do 49 % elastin,
- magnetna spojnica za povezivanje upravljanja i odijela,



3. USLOVI ZA OSTVARIVANJE PRAVA NA DODJELU ODIJELA

Pravo na dodjelu neuromodulacijskih odijela prilagođenih potrebama oboljelih, ostvaruju sva fizička lica sa područja Kantona Sarajevo koja:

- a) imaju prebivalište na području Kantona Sarajevo prije podnošenja zahtjeva
- b) su osobe sa utvrđenom dijagnozom bolesti neuromišićnog oboljenja (multipla skleroza, cerebralna paraliza, stanja nakon moždanog udara i nakon povreda leđne moždine).

4. POTREBNA DOKUMENTACIJA

Podnosioci zahtjeva po ovom Javnom pozivu dužni su dostaviti sljedeću dokumentaciju:

- prijavni obrazac (uredno popunjen i potpisan);
- rodni list;
- prijavu prebivališta (CIPS);
- zadnji nalaz ljekara o zdravstvenom stanju pacijenta, i dijagnozi (odgovarajuća medicinska dokumentacija kojom se dokazuje dijagnoza pacijenta).

Prijavni obrazac za dodjelu neuromodulacijskih odijela prilagođenih potrebama oboljelih od neuromišićnih oboljenja sa područja Kantona Sarajevo u 2023. godini, može se preuzeti sa web stranice Ministarstva zdravstva Kantona Sarajevo (www.mz.ks.gov.ba), ili na protokolu na adresi Reisa Džemaludina Čauševića 1.

5. OCJENA PRIJAVA

Ocjenu i pripremu prijedloga liste za dodjelu neuromodulacijskih odijela prilagođenih potrebama oboljelih od neuromišićnih oboljenja sa područja Kantona Sarajevo u 2023. godini, vršit će stručna Komisija Ministarstva zdravstva Kantona Sarajevo, na osnovu uvida u medicinsku dokumentaciju, kao i zdravstveno stanje pacijenta neposrednim pregledom svakog prijavljenog pacijenta od strane imenovane stručne komisije.

6. PRAVO UČEŠĆA

Pravo učešća i pravo na dodjelu imaju djeca i odrasle osobe, sa utvrđenom dijagnozom neuromišićnog oboljenja multipla skleroza (vrijednosti do 4,5), cerebralna paraliza (koji su u kategoriji GMFCS 1, 2 i 3).

NAPOMENA

Anamnestički podaci aplikanata kojima se ne preporučuje upotreba odijela:

- Osobe sa aktivnim IMPLANTIMA koji mogu da utiču na magnetne valove (pace maker, pumpe različitih vrsta);
- Osobe sa neregulisanom epilepsijom;
- Trudnice i dojilje;
- Osobe sa oštećenjima kože (koža mora biti intaktna);
- Osobe sa malignim oboljenjima.

7. PROCES ODABIRA I OBJAVA LISTE



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

2/3

Rang lista će biti objavljena na web stranici Ministarstva zdravstva <http://mz.ks.gov.ba>.
Ministar zdravstva Kantona Sarajevo će na prijedlog stručne Komisije, donijeti konačnu odluku o dodjeli po ovom Javnom pozivu.
Ministarstvo na osnovu konačne odluke zaključuje pojedinačne ugovore sa korisnicima.

8. NADZOR, KONTROLA I IZVJEŠTAVANJE

Neuromodulacijska odijela dodjeljena po ovom Javnom pozivu, nabavljena iz sredstava Budžeta Ministarstva zdravstva Kantona Sarajevo, moraju se koristiti za odobrene namjene, prema odredbama ugovora koje će resorno Ministarstvo sklopiti sa korisnicima.

9. OSTALE INFORMACIJE

Zahtjevi koji nisu potpuni se neće uzeti u razmatranje. Sva potrebna dokumentacija mora biti original ili ovjerena kopija, ne starija od 3 mjeseca od dana prijave na ovaj poziv.

Predata dokumentacija neće se vraćati podnosiocima zahtjeva.

11. MJESTO PODNOŠENJE PRIJAVA

Prijava na ovaj javni poziv se podnosi u pisanoj formi na obrascu prijave za dodjelu **neuromodulacijskih odijela za osobe oboljele od multiple skleroze i cerebralne paralize sa područja Kantona Sarajevo u 2023. godini**, objavljenim na web stranici Ministarstva zdravstva i Vlade Kantona Sarajevo, sa dokazima o ispunjavanju uslova i potrebnom dokumentacijom.

Zahtjev na posebno propisanom obrascu sa potrebnom dokumentacijom podnosi se na protokol Kantona Sarajevo ili putem pošte preporučeno na slijedeću adresu:


**Ministarstvo zdravstva Kantona Sarajevo, ulica Reisa Džemaludina Čauševića br. 1,
71000 Sarajevo sa naznakom**

**„Prijava na Javni poziv za za dodjelu neuromodulacijskih odijela za osobe oboljele od multiple skleroze i cerebralne paralize sa područja Kantona Sarajevo u 2023. godini”,
u zatvorenoj koverti – NE OTVARAJ.**

Informacije vezane za predmet ovog Javnog poziva mogu se dobiti na telefon: 033/562-106 ili Centrala 033/562-104 lokal 2106.

Tekst Javnog poziva, propisani prijavni obrazac i rang lista biće dostupni na web stranici Ministarstva zdravstva <http://mz.ks.gov.ba>.

Rok za podnošenje prijave je **7 (sedam) dana** od dana objavljivanja javnog poziva na web stranici Ministarstva zdravstva Kantona Sarajevo i Vlade Kantona Sarajevo.


MINISTAR
Mr. sci. med. dr. Enis Hasanović



Adresa: Reisa Džemaludina Čauševića 1,
Tel: + 387 (0) 33 562-104, Fax: + 387 ((
Web: <http://mz.ks.gov.ba>, E-mail: mz@mz.ks.gov.ba